

Grŵp Gorchwyl a Gorffen Partneriaeth Bioamrywiaeth Cymru

Cyfarfod 7

23^{ain} Chwefror 2010

Dyfodol Cynllun Gweithredu Bioamrywiaeth Cymru ar ôl Adolygiad y DU.
Y Drenewydd

Presennol

Nick Birula	Asiantaeth yr Amgylchedd Cymru (Cadeirydd)
Julia Korn	Partneriaeth Bioamrywiaeth Cymru
Russel Hobson	Gwarchod Glöynnod Byw
Nigel Ajax Lewis	Ymddiriedolaethau Natur
Stephen Bladwell	RSPB
Kate Williamson	Y Gymdeithas Famaliaid/Cynllun Gweithredu Bioamrywiaeth Lleol Parc Cenedlaethol Eryri

Ymddiheuriadau

Gareth Ellis	Parc Cenedlaethol Bannau Brycheiniog / CGBau Lleol
Trevor Dines	Cadeirydd Plantlife
Juliet Hynes	Partneriaeth Bioamrywiaeth Cymru
Chris Tucker	Y Comisiwn Coedwigaeth
Jan Sherry	CCGC
Aethne Cooke	CCGC (Morol)

1. Cofnodion a Chamau Gweithredu cyfarfod mis Ionawr 2009

I weld cynnydd ar gamau gweithredu gweler y templed gweithredu o'r cyfarfod ar 29 Medi 2010 ar wefan Partneriaeth Bioamrywiaeth Cymru. Hwn oedd cyfarfod olaf y grŵp hwn ac felly cafodd pob cam ei ddiweddarau. Nid oedd rhai yn gyfredol mwyach ac roedd y gweddill yn mynd rhagddynt. Cytunwyd ar gofnodion y 6^{ed} cyfarfod. Cam gweithredu - Julia i gyfieithu'r camau gweithredu a'r cofnodion o gyfarfodydd 6 a 7 a'u cyhoeddi ar wefan Partneriaeth Bioamrywiaeth Cymru.

Materion sy'n codi o'r camau gweithredu

Grantiau CCGC a'r defnydd o BARS: Rhoddodd Julia y wybodaeth ddiweddaraf i'r grŵp am y cynllun peilot y mae CCGC yn ei gynnal eleni gydag un partner strategol a dau awdurdod lleol i'w helpu i adrodd ar gamau gweithredu bioamrywiaeth a ariennir gan CCGC ar y System Adrodd ar Weithredu Bioamrywiaeth (BARS) yn unig. Y nod yw cyflwyno hyn i bob partner yn y dyfodol. Mae Julia a Juliet yn rhan o'r cynllun peilot hwn, gyda Juliet yn rhoi cymorth i'r partneriaid grant sy'n rhan o'r broses a chyngor ar ddatblygiadau technegol i Dîm BARS y DU.

Fframwaith Bioamrywiaeth Cymru Gwnaeth Julia hefyd roi'r wybodaeth ddiweddaraf i'r grŵp am y broses o ddiwygio Fframwaith Bioamrywiaeth Cymru. Mae'r ddogfen Dyfodol System y CGB wedi'i hymgorffori ac mae'r testun a'r atodiadau wedi'u diweddarau. Mae'r protocolau ar gyfer cydweithio yn y Partneriaeth newydd, ehangach hefyd wedi'u cynnwys a cheir adran ar y Dull Ecosystemau a fydd yn ymgorffori Datganiad Ecosystemau Partneriaeth Bioamrywiaeth Cymru unwaith y cytunir arno. Mae rôl a chyfrifoldeb Partneriaethau CGB Lleol wedi'u hymgorffori yn y brif ddogfen ac felly nid yw Atodiad H yn bodoli mwyach. Fodd bynnag, mae Annex K newydd yn nodi cyfrifoldebau llywodraeth leol. Diana Reynolds o'r

Cynulliad fydd yn gyfrifol am y ddogfen yn y pen draw ac mae ganddi'r fersiwn ddiweddaraf a gaiff ei chyhoeddi ar wefan Partneriaeth Bioamrywiaeth Cymru ym mis Mawrth. Awgrymodd Nick fod angen rheoli gwahanol fersiynau o'r ddogfen am nad oedd rhai elfennau yn y fersiwn ddiweddaraf ac y byddai'n rhaid esbonio wrth bobl pam bod yr elfennau hyn wedi'u hepgor. Mae Fframwaith Bioamrywiaeth Cymru wedi'i ddiweddarau yn sgîl y dull newydd o ddarparu bioamrywiaeth yng Nghymru. Mae'r newidiadau pennaf o ganlyniad i'r ffaith bod dogfen System y CGB wedi'i hymgorffori yr ymgynghorwyd yn eang arni ac y cytunwyd arni gan Bartneriaeth Bioamrywiaeth Cymru. Mae'r newidiadau eraill yn ddiweddariadau yn hytrach nag unrhyw newidiadau o ran cynnwys.

Bylchau o ran partneriaid Arweiniol Rhywogaethau

Cyflwynodd y Grŵp Arbenigwyr ar Rywogaethau bapur i gyfarfod Grŵp Llywio Partneriaeth Bioamrywiaeth Cymru ar 10^{fed} Chwefror yn gofyn i gynllun prentisiaeth gael ei sefydlu ar gyfer Hymenoptera y gellid ei gynnal ar sail debyg i'r fenter prentisiaeth cen. Cytunodd Sean McHugh i ymchwilio i hyn. I gael gwybodaeth lawn am y canlyniad, gweler cofnodion cyfarfod 10 Grŵp Llywio Partneriaeth Bioamrywiaeth Cymru ar wefan y Bartneriaeth.

Cydnabyddir yr angen am fwy o arbenigwyr ar rywogaethau yng Nghymru a gellid ystyried menter fwy strategol ar draws gwahanol ddsbarthiadau o organebau e.e. drwy Natur neu Ganolfannau Cofnodion Lleol. Mae Cronfa Dreftadaeth y Loteri yn cynnig arian ar gyfer datblygu sgiliau, a byddai'n werth archwilio'r cyfle hwn.

Yng nghyfarfod Grŵp Llywio Partneriaeth Bioamrywiaeth Cymru gwnaeth Amgueddfa Genedlaethol Cymru ac Asiantaeth yr Amgylchedd gynnig bod yn bartner arweiniol ar gyfer rhai rhywogaethau.

Mae'n bwysig i rolau aelodau'r Grŵp Arbenigwyr ar Rywogaethau gael eu diffinio'n glir ac ar wahân i rolau'r Partneriaid Arweiniol Rhywogaethau. Y partneriaid arweiniol ar gyfer rhywogaethau fydd yn pennu targedau a chmau i'w cymryd mewn perthynas â rhywogaethau ac yn rheoli'r broses o ymgynghori ar y camau hyn a'u cyhoeddi, a'r Grŵp Arbenigwyr ar Rywogaethau fydd yn gyfrifol am roi cyngor i'r Grwpiau Ecosystem ar integreiddio camau gweithredu sy'n ymwneud â rhywogaethau i'r broses o reoli cynefinoedd.

Efallai y bydd angen i bartneriaid arweiniol ar gyfer rhywogaethau unigol ddatblygu fforwm o fewn neu ar draws dosbarthiadau o organebau i gefnogi eu rôl. Mae Grŵp Mamaliaid Cymru wedi datblygu yn Fforwm Gweithredu Bioamrywiaeth Mamaliaid Cymru a fydd yn cefnogi partneriaid arweiniol ar gyfer Mamaliaid a grwpiau darparu sylfaenol drwy gynnal cyfarfodydd/gweithdai rheolaidd. Bydd cynrychiolwyr o'r Fforwm hwn yn cymryd rhan yng nghyfarfodydd y Grŵp Arbenigwyr ar Rywogaethau gan ddarparu cyswllt uniongyrchol rhwng y ddau. Gall hwn fod yn fodel defnyddiol i eraill ei ddefnyddio.

Pennu Targedau ar gyfer rhywogaethau

Ar hyn o bryd mae'r Grŵp Arbenigwyr ar Rywogaethau yn cydlynu llawer o'r gwaith ar bennu targedau y dylai'r partneriaid arweiniol ei wneud. Yn y cyfarfod diwethaf ar Ddyfodol y CGB lluniodd y grŵp amserlen uchelgeisiol ar gyfer cyhoeddi camau gweithredu a thargedau ar gyfer rhywogaethau Cymru. Dechreuodd y broses yn dda drwy gyhoeddi camau gweithredu gwreiddiol y CGB ar gyfer planhigion fasgwlaidd

a'r camau gweithredu a'r targedau ar gyfer y grŵp 1^{af} o Lepidoptera a phob rhywogaeth o Famaliaid ar wefan Partneriaeth Bioamrywiaeth Cymru, lle maent wedi aros. Yn dilyn hyn ni chyhoeddwyd unrhyw gamau gweithredu na thargedau pellach. Penderfynwyd bod nifer fach o arbenigwyr yn gweithio ar dasg enfawr ac felly bod angen system fwy hyblyg a bod angen cyhoeddi targedau ychydig ar y tro fel rhan o raglen dreigl. Penderfynodd y grwpiau y dylid datblygu a chyfleu prosesau cyhoeddi ac ymgynghori clir, ond na chytunid ar unrhyw ddyddiadau penodol. Dylid cyhoeddi pob cam gweithredu ychydig ar y tro ar wefan Partneriaeth Bioamrywiaeth Cymru am gyfnod ymgynghori o chwe wythnos o dan reolaeth y partner arweiniol, ac y dylid cyhoeddi pob targed ar dudalennau cynghori'r System Adrodd ar Weithredu Bioamrywiaeth (BARS). Cafodd y broses hon ei lansio ochr yn ochr â'r broses o ailgyhoeddi'r tair set o gamau gweithredu uchod ar 1^{af} o Fawrth am gyfnod ymgynghori o chwe wythnos.

Pennu camau gweithredu sy'n ymwneud â rhywogaethau i gynefinoedd

Dim ond pan gaiff camau gweithredu ar gyfer rhywogaethau eu nodi y gellir gwneud hyn. Mae camau gweithredu ar gyfer cynefinoedd wrthi'n cael eu datblygu ond efallai y bydd angen diweddarau'r rhain dros amser i adlewyrchu anghenion priodol y rhywogaethau. Ar hyn o bryd mae camau gweithredu ar gyfer cynefinoedd a rhywogaethau yn cael eu datblygu ar yr un pryd, ac efallai y bydd angen adolygu hyn ar gyfer y flwyddyn nesaf i sicrhau integreiddiad. Bydd y Grŵp Arbenigwyr ar Rywogaethau yn rhoi cyngor i'r Grwpiau Ecosystem ar gamau gweithredu y mae angen iddynt eu cymryd ar gyfer rhywogaethau. Mae'r Grŵp Coetir yn ystyried rheoli coedwigoedd penodol yng Nghymru ar gyfer rhywogaethau penodol.

Grŵp Dyfodol y CGB - sicrhau y caiff camau eu cymryd

Penderfynodd y grŵp mai hwn ddylai fod y cyfarfod olaf eleni. Dylai Tîm Cymorth Partneriaeth Bioamrywiaeth Cymru adolygu'r sefyllfa yn ei gyfarfod ym mis Rhagfyr, ac os oes angen cyfarfod arall i fynd i'r afael â materion penodol, gellid cynnal un yn 2011.

Camau gweithredu ar gyfer cynefinoedd

Yn anffodus ni allai Jan ddod i'r cyfarfod i roi'r newyddion diweddaraf ar y cynnydd mewn perthynas â chamau gweithredu ar gyfer cynefinoedd. Disgwylir i rai camau gweithredu fod yn barod i'w trosglwyddo i staff rhanbarthol CCGC erbyn diwedd wythnos gyntaf mis Mawrth a'u cyhoeddi ar wefan Partneriaeth Bioamrywiaeth Cymru yn ddiweddarach yn y mis ar gyfer cyfnod ymgynghori o chwe wythnos wedi'i gydlynu gan Gadeiryddion y Grwpiau Ecosystem. Cafodd pob Cadeirydd ei annog i gynllunio rhai camau gweithredu yn barod ar gyfer y seminarau lleol ym mis Mai gan y byddai'n rhaid iddo ategu ei drafodaethau â chamau gweithredu arfaethedig.

Seminarau Bioamrywiaeth Lleol

Mai 6^{ed} yng Nghanolfan Amgylcheddol Bangor

Mai 12^{fed} yng Nghaerffili

Mai 13^{eg} yn Abertawe.

Nod sesiwn foreol y gweithdy ym mhob un o'r seminarau yw dod â swyddogion bioamrywiaeth lleol, partneriaid lleol eraill a chynrychiolwyr o grwpiau lefel Cymru ynghyd i drafod y broses o gymryd camau gweithredu â blaenoriaeth yng Nghymru drwy:

- a) cytuno ar y broses o gymryd rhai o'r camau
 - b) ystyried pa gamau gweithredu lleol y gallai partneriaid lleol eu rhoi ar waith petai materion penodol yn cael eu datrys, gan nodi'r materion hyn a phwy sydd angen mynd i'r afael â hwy
 - c) canfod a oes unrhyw gamau nad oes unrhyw un yn fodlon eu cymryd, a pham
- Bydd y sesiynau hyn hefyd yn gyfle i bartneriaid lleol drafod sut y gallant weithio'n agosach gyda grwpiau lefel Cymru ar fentrau cyffredin ac ati. Mae pob Cadeirydd grwpiau CGB Cymru wedi cytuno i ddod i o leiaf un o'r seminarau.

Bydd sesiynau'r prynhawn yn wahanol ym mhob seminar a chânt eu trefnu gan aelodau Tîm Llywio Partneriaeth Bioamrywiaeth Cymru (h.y. Julia Korn ym Mangor, Juliet Hynes yng Nghaerffili a Sean McHugh yn Abertawe). Byddant yn canolbwyntio ar weithredu. Mae syniadau am drafodaethau yn cynnwys grwpiau o Rywogaethau Anfrodorol Ymledol gan Len Wyatt o Is-adran Trafnidiaeth Llywodraeth Cynulliad Cymru ac arianwyr e.e. WREN.

Dim ond lle i 30 o unigolion sydd yn y seminarau hyn felly nid dyma'r unig ddull o gyfathrebu rhwng y rheini sy'n gweithio ar lefel Cymru a'r rheini ar lefel ranbarthol/lleol. Hwn yw'r cam cyntaf, a bydd angen ystyried ffyrdd eraill o ddod â phartneriaid ynghyd, fel presenoldeb cynrychiolwyr ar lefel Cymru mewn cyfarfodydd lleol, gweithdai yng nghynhadledd Partneriaeth Bioamrywiaeth Cymru a gweithdai ar gyfer cynulleidfaoedd penodol e.e. bydd angen ystyried tîrfeddianwyr/rheolwyr.

Mapio cyfleoedd ar gyfer cynllunio gofodol ar gyfer cynefinoedd a rhywogaethau Adran 42

Ar ôl cwrdd â Russell Elliot, arbenigwr Seilwaith Gwyrdd CCGC, gwirfoddolodd Jan i archwilio'r posibilrwydd o fapio cyfleoedd mewn perthynas ag Adran 42 ar raddfa ranbarthol ar gyfer Ymchwil yr Amgylchedd Naturiol. Cyfeiriodd Nigel at y gwaith sy'n mynd rhagddo, y mae Carole Newberry o CCGC yn rhan ohono, a geisiodd gcontractwr i edrych ar swyddogaethau gwahanol y GI (gan gynnwys bioamrywiaeth) a llunio haenau o fap GIS yn cynrychioli'r swyddogaethau hynny er mwyn helpu i nodi cyfleoedd amlswyddogaethol yn y rhanbarth.

Adroddiad y CGB 2008

Mae Aethne yn cydlynu'r gwaith o sefydlu grŵp Gorchwyl a Gorffen newydd ar gyfer Partneriaeth Bioamrywiaeth Cymru a fydd yn llunio adroddiad y Bartneriaeth ar gyfer 2008 yn seiliedig ar ddadansoddiad gorffenedig o'r data.

Unrhyw Fater Arall

Nododd Stephen ei fod wedi derbyn e-bost (a anfonwyd at bob grŵp lefel Cymru) yn gofyn a fyddai'n bosibl iddynt ddarparu hyfforddiant ar gyfer swyddogion prosiect Glastir. Roedd ganddo ddau bryder

1. byddai hyn yn arwain at ddull anghydlynol o hyfforddi swyddogion prosiect
2. unwaith eto, gofynnid i'r gymuned fioamrywiaeth ddarparu gwasanaeth am ddim.

Mae'r Cyswllt Ffermio yn bodoli i ddarparu gwasanaeth hyfforddi cydlynol i ffermwyr ar ffurf pecynnau proffesiynol, ac ar gyfer meysydd eraill o hyfforddiant caiff y pecynnau hyn eu hariannu gan Lywodraeth Cynulliad Cymru. Gallai Cyswllt Ffermio fod yn gyfrifol am ddatblygu cynllun wedi'i ariannu'n briodol ar gyfer

hyfforddi swyddogion prosiect Glastir, gyda mewnbwn gan y Grŵp Arbenigwyr ar Rywogaethau a'r Grwpiau Ecosystem.

Diolch

Hoffwn ddiolch i chi gyd am y gwaith rydych wedi'i wneud i lunio'r ffordd newydd hon o ymdrin â chamau gweithredu bioamrywiaeth yng Nghymru ac am eich cyfraniadau parhaus mewn grwpiau a phartneriaethau newydd a rhai sy'n bodoli eisoes. Gwerthfawrogaf fod gennych ymrwymiadau eraill ym maes bioamrywiaeth ac edrychaf ymlaen at weld manteision pellach yn deillio o fioamrywiaeth yn y dyfodol wrth i ni ymdrechu i gyflawni targed Strategaeth Amgylcheddol Cymru o wrthdroi'r dirywiad mewn bioamrywiaeth erbyn 2026.

TERFYNOL MEHEFIN 02 2010

Camau gweithredu a chanlyniadau o'r 7^{fed} Cyfarfod ar Ddyfodol y Cynllun Gweithredu Bioamrywiaeth (CGB) ar 23^{ain} Chwefror 2010

Presennol

Nick Birula	Asiantaeth yr Amgylchedd Cymru (Cadeirydd)
Julia Korn	Partneriaeth Bioamrywiaeth Cymru
Russel Hobson	Gwarchod Glöynnod Byw
Nigel Ajax Lewis	Ymddiriedolaethau Natur
Stephen Bladwell	RSPB
Kate Williamson	Y Gymdeithas Famaliaid/Cynllun Gweithredu Bioamrywiaeth Lleol Parc Cenedlaethol Eryri

Rhif	Pwy/Cam Gweithredu	Canlyniad	Cynnydd
COFNODION A CHAMAU GWEITHREDU O'R CYFARFOD DIWETHAF			
Fframwaith Bioamrywiaeth Cymru			
1	Julia i drafod â Diana sut y byddwn yn esbonio'r prif newidiadau i Fframwaith Bioamrywiaeth Cymru.	Cyfathrebu da a dealltwriaeth o'r newidiadau a wnaed i Fframwaith Bioamrywiaeth Cymru	CYFLAWNWYD - y fframwaith wedi'i gyhoeddi ar wefan Partneriaeth Bioamrywiaeth Cymru
RHYWOGAETH			
Bylchau o ran partneriaid arweiniol			
2	Juliet i drafod â Natur a fyddai'n bosibl iddynt ddatblygu prosiectau i feithrin sgiliau bioamrywiaeth yng Nghymru.	Prosiect strategol yn darparu sail sgiliau well a, dros amser, nifer o arbenigwyr bioamrywiaeth yng Nghymru	
3	Stephen i ddsbarthu rhestr lawn o rywogaethau y mae angen partneriaid arweiniol arnynt o hyd i aelodau o Grŵp Llywio Partneriaeth Bioamrywiaeth Cymru	Rhestr lawn o bob grŵp rhywogaeth yng Nghymru i bartneriaid arweiniol	CYFLAWNWYD
4	Stephen i gysylltu â'r rheini a gynigiodd arwain ar rywogaethau penodol yng nghyfarfod Grŵp Llywio Partneriaeth Bioamrywiaeth Cymru	Fel yr uchod	CYFLAWNWYD
5	Kate i ddsbarthu gwybodaeth am Fforwm	Mae system cymorth a chyfathrebu ar	CYFLAWNWYD

	Gweithredu Bioamrywiaeth Mamaliaid Cymru i aelodau'r Grŵp Arbenigwyr ar Rywogaethau ac eraill sydd â diddordeb mewn sefydlu rhwydweithiau tebyg.	waith i bartneriaid arweiniol a thebygolrwydd is y bydd un person yn gyfrifol am nifer fawr o rywogaethau	
Camau i'w cymryd a phennu targedau mewn perthynas â rhywogaethau			
6	Julia i lunio gwybodaeth ar gyfer y wefan er mwyn lansio'r ymgynghoriad ar blanhigion fasgwlar, Lepidoptera a chamau i'w cymryd mewn perthynas â Mamaliaid.	Mae cymuned CGB yn deall sut a lle y caiff camau gweithredu a thargedau CGB eu cyhoeddi ac, mewn perthynas â chamau gweithredu, sut y caiff y broses ymgynghori ei chynnal	CYFLAWNWYD
7	Julia i lunio neges e-bost am yr ymgynghoriad gan gynnwys y wybodaeth ychwanegol am y broses (h.y. sut y caiff camau gweithredu a thargedau mewn perthynas â rhywogaethau eu datblygu a'u cyhoeddi) a'i hanfon ar 1^{af} o Fawrth. Dylid gwneud yr un peth ar gyfer ymgynghoriadau yn y dyfodol.	Fel yr uchod	CYFLAWNWYD/YN MYND RHAGDDO
8	Kate, Russel a Trevor i reoli'r ymgynghoriad ar gyfer eu meysydd arbenigol.	Arbenigwyr penodol sy'n bartneriaid arweiniol ar gyfer y rhywogaethau hynny i berchenogi, diweddarau a chytuno ar gamau gweithredu	CYFLAWNWYD
9	Stephen i sicrhau bod partneriaid arweiniol yn ymwybodol o'r broses hon a'u rolau	Mae partneriaid arweiniol yn deall eu rôl o ran llunio camau gweithredu a thargedau	
10	Stephen i drefnu'r casgliad nesaf o gamau gweithredu/targedau a rhoi gwybod i Julia pan gânt eu cyhoeddi.	Ceir proses ymgynghori sy'n gweithio'n iawn	Julia yn gwneud hyn - CYFLAWNWYD/YN MYND RHAGDDO
11	Sean McHugh i ddiweddarau gwefan Partneriaeth Bioamrywiaeth Cymru a sicrhau y caiff camau gweithredu eu cyhoeddi ar ddyddiadau priodol a'u dileu ar ddiwedd y cyfnodau ymgynghori	Fel yr uchod	CYFLAWNWYD/YN MYND RHAGDDO
12	Rhwydwaith CCGC i sicrhau y caiff staff Rhanbarthol/Pencadlys CCGC eu cynnwys	Cynnwys staff Pencadlys a Rhanbarthol CCGC yn llawn yn yr ymgynghoriad ar	CYFLAWNWYD/YN MYND RHAGDDO - caiff

		gamau gweithredu mewn perthynas â rhywogaethau	neges e-bost am bob ymgynghoriad ei hanfon at Jan, Aethne a chysylltiadau rhanbarthol CCGC i'w dosbarthu
13	Juliet i sicrhau y caiff pob targed ei gyhoeddi ar dudalennau cynghori'r System Adrodd ar Weithredu Bioamrywiaeth (BARS)	Cyfleu targedau rhywogaethau ar BARS	CYFLAWNWYD/YN MYND RHAGDDO - bydd yr unigolyn sy'n cymryd lle Juliet yn parhau â hyn
GRŴP DYFODOL Y CGB - SICRHAU Y CAIFF CAMAU EU CYMRYD			
14	Julia i ysgrifennu nodyn i wefan Partneriaeth Bioamrywiaeth Cymru yn crynhoi cyflawniadau Grŵp Dyfodol y CGB a bod y dasg bellach wedi'i chwblhau (oni bai bod angen i'r grŵp ailffurfio ar gyfer materion yn y dyfodol). Os oes gan bobl unrhyw ymholiadau neu faterion yr hoffent eu trafod, gellir sôn amdanynt wrth Dîm Cymorth Partneriaeth Bioamrywiaeth Cymru.	Mae'r gwaith y mae'r grŵp wedi'i gyflawni a'r ffaith bod ei dasg bellach wedi'i chwblhau yn cael ei gyfleu'n dda	
15	Julia i ysgrifennu papur ar gyfer WBPSG11 ym mis Gorffennaf	Fel yr uchod	Cytunwyd gyda Diana Reynolds (Llywodraeth Cynulliad Cymru) y byddai'r nodyn uchod yn ddigonol
16	Julia i gymryd camau i adolygu unrhyw faterion a gododd yng nghyfarfod Tîm Cymorth Partneriaeth Bioamrywiaeth Cymru ym mis Rhagfyr 2010 ac i ailffurfio'r grŵp ar gyfer cyfarfod ym mis Chwefror os oes angen.	Cafodd materion yn ymwneud â gwaith y grŵp hwn eu hadolygu'n barhaus a defnyddiwyd systemau priodol i ddelio â hwy.	Ychwanegwyd at gamau gweithredu Tîm Cymorth Partneriaeth Bioamrywiaeth Cymru mewn cyfarfod ym mis Mawrth
SEMINARAU BIOAMRYWIAETH LLEOL YM MIS MAI 2010			
17	Julia i ddatblygu'r gweithdy bore a dosbarthu'r wybodaeth i bawb	Cyfathrebu/ymgyngori ar syniad sy'n ymwneud â gweithdy ar gyfer seminarau lleol	CYFLAWNWYD
18	Juliet i sicrhau y gellir gosod yr ystafell yng Nghaerffili	Ystafell briodol ar gyfer seminar	CYFLAWNWYD -

	ar ffurf cabaret gyda digon o le i chwe bwrdd.		cynhaliwyd y seminar yng Nghwmbrân
19	Tîm Cymorth Partneriaeth Bioamrywiaeth Cymru i ddatblygu sesiynau prynhawn ar gyfer pob un o'r Seminarau	Mae'r seminar yn mynd i'r afael â materion sy'n berthnasol i bob ardal	CYFLAWNWYD
20	Julia i gadarnhau y bydd y Grŵp Ecosystemau ac arbenigwyr ar rywogaethau yn cymryd rhan ym mhob seminar - gwnaeth Russel gynnig cymryd rhan yn y ddau yn Ne Cymru a soniodd Stephen fod Adrian Fowles wedi gwirfoddoli i ymuno ag ef a Kate ym Mangor. Mae Sam Bosenquet wedi gwirfoddoli i gefnogi'r seminar yng Nghaerffili.	Daeth llawer o gynrychiolwyr o grŵp lefel Cymru a chafwyd prosesau cyfathrebu da rhwng partneriaid ar lefel Cymru a lefel leol/rhanbarthol	CYFLAWNWYD
21	Julia i fynd â'r prif bapur i gyfarfod 11 Grŵp Llywio Partneriaeth Bioamrywiaeth Cymru ym mis Gorffennaf, gan gynnwys y canlyniadau allweddol o'r seminarau ac unrhyw gamau y dylid eu cymryd ar gyfer Partneriaeth Bioamrywiaeth Cymru. Caiff camau terfynol y grŵp hwn eu hatodi i adroddiad cynnydd. Dylai'r papur gynnwys cam gweithredu mewn perthynas â digwyddiadau a gweithgareddau cyfathrebu yn y dyfodol.	Cytunodd Grŵp Llywio Partneriaeth Bioamrywiaeth Cymru ar gamau priodol i fynd i'r afael â materion a llunio datrysiadau mewn seminarau rhanbarthol	YN MYND RHAGDDO
MAPIO CYFLEOEDD AR GYFER CYNLLUNIO GOFODOL O RAN CYNEFINOEDD A RHYWOGAETHAU ADRAN 42			
22	Jan i drafod y broses o fapio cyfleoedd cynefinoedd a rhywogaethau Adran 42 â Carole Newberry i sicrhau nad yw'r gwaith yn dyblygu gwaith y contract cyfredol.	Mae mentrau cyfredol wedi'u hintegreiddio ag unrhyw ymarferion mapio cyfleoedd ac yn eu llywio	YN MYND RHAGDDO
Unrhyw Fater Arall Arbenigwyr ar fioamrywiaeth a chymorth hyfforddi ar gyfer swyddogion prosiect Glastir			
23	Stephen (gyda Chadeiryddion eraill y Grŵp Ecosystemau) i awgrymu i Lywodraeth Cynulliad Cymru bod angen hyfforddi Swyddogion Bioamrywiaeth prosiect Glastir mewn ffordd strwythuredig a rheoledig drwy'r Cyswllt Ffermio.	Pecynnau hyfforddi strwythuredig sy'n llawn gwybodaeth ac wedi'u hariannu'n briodol ar gyfer Swyddogion Bioamrywiaeth Prosiect Glastir.	

